



郎潛集卷之五

別焦弱侯夫子

曰余少跣跣華采日馳逐夢然無知識如暗行於谷
自從得夫子爲我發其覆譬彼久客兒得返故廬宿
揚經桓子解馬帳鄭生伏敢言吾道東庶幾太玄復
無隱朝夕見筮告再三瀆幸容執爨役生平願已足
告歸一何遽愁心感在目數見口益啞槁然等灰木
自天篤黃髮聊申頌與祝馳情望惠音再會終可卜

東海高書孩之著



東還畱別同社諸友代柬

三歲文酒多開襟非獨意氣兼知心不能一月不相
見勝地精藍屐齒遍春風花繁足回首夜雨燈明思
會面余也簡淡寄欵人踽踽落落時所嗔獨行得辱
友朋信惠而好我憐我真宦遊非樂樂知己念此惆
悵曷能止別離之難從古然不然歸去亦自喜

贈別貞父

少小志疎豁於世少當意四海得吾子每見笑相視
相與無相與略不辨寤寐微言一激發名理寓嘲戲

獨行如同影獨寢如同被憂喜迴不殊有時對長喟

二

長喟人豈知衆人忌獨醒公卿笑方朔伏子譏阮生
謬以契誼合唱和如嚶鳴憂天髮早白委蛇爲朝
廷賓客日填門而非心所嬰庶幾懋令名長懷弟與
兄

三

與兄若一身有言寧我欺鮑知管子貧又知不遇時
從遊及二載一朝將告辭惠我清風吟玩如珊瑚枝

良濟集 卷五
衷曲未能語報之無寸絲徒有盈掬淚默然灑臨岐

四

臨岐迨炎暑浮雲一何多返照駐石城長江飲明霞
回首蔣山樹天闕高差我隔宿渺萬里扣舷獨悲歌
枯槎逗駭浪疎雨灑蒹葭對此更無言勞思夫如何

次韻答別鄭水部應尼

最憐知己調容易感人情別友能無戀還鄉不忍行
鷺鳴宮樹遠蝶戲岬花生夜雨風江滿淒其況客程

二

新知饒袞袞未敢妄綢繆意得寧相問心微不浪求
草深荒宅過樹暗漲江流回首蒼涼思浮雲逐遠遊

三

病眼憎春草庭樞復放丹詩篇新自減藥物強爲懽
惜別維舟緩相思束帶寬因君深道意細語燭花殘

四

來往終何益淹留自覺非形骸兩如失語默一無違
宿雨鍾陵隱晨煙北固飛自今勞悵望莫道不如歸

答贈劉載甫比部言別

白雲官隱日綠酒客同時樹隔石城堞荷新玄武陂
清遊因病減遠道爲歸岐載甫亦滿考經北予以家人東鄭重期交
勗江湖繫夢思

二

不負郎潛興追歡易歲華太平堤夜月永慶寺春花
去住難爲果棲遲又及瓜客愁不可盡迢遞逗雲沙

三

五月江頻漲家人苦鬱蒸把君贈佳句忽似踏層冰
爲別亦常事忘情真不能漸深交態後知己感偏增

四

霞蒸江水赤雲湧石城浮故事三年考危時萬古愁
豚魚起沙嘴燕子語檣頭相憶無何有因風發棹謳

答李本寧贈別之作

賓客人人接李膺龍門歸仰自無憑伊誰好事頻來
過愧我知玄尚未能病裏鶯花虛負久別時山水憶
遊曾橫江孤棹相望夕霧樹風蘆隔岬燈

答別蔡伯達

尋常相見俱瀟灑不謂燈前是別離湖海總縈歸客

良濟集 卷五 四
思風塵各逐一官爲憂時每代公卿憤學道應輕兒
女悲病後長安期未定野雲山鳥狎吾之

君詩云秋風期醉長

安時

短歌酬翁晉

聽子之語不能對飲子之酒不能醉大官一署雞肋
爾縱然不調堪遊戲去年卽期送子行豈料相送難
爲情長歌五篇真當泣白雨駭至高雲征和子長歌
酌子酒飛蛾滅燭垂星斗明朝亂髮孤蓬底江遠天
長一回首

舟泊燕子磯晚登磯上憶舊遊作

橫空落落最高磯隔歲來遊況是歸近郭密煙青靡
靡傍人初月白微微巖奔駭浪鼉常吼岬動昏林鳥
自飛早別帝城如隔歲同遊不見想依稀

江行

浪急風鳴舵隨流鼓動間東西乘力便來往信波慳
樹色微瓜步雨光吞蒜山不辭大艱險病客始言還

二

天地如欲夕風颺吹未休帆檣屯浦口簫鼓入真州

客役猶開卷王程賴置郵榜人歌擊楫竝起夕陽愁
雨泊高郵

湖白兼雲遠霞明挾雨昏疎涼仍攬帶灑落一開尊
菰蔣分波靡鷗鳧掠水喧漁罾橫舊浦野屋自關門

舟月

夕陽眠水牛高月照船頭似畏燃犀渚翻疑吐蜃樓
老龜臨岬語孤鳥貼雲愁獨對山河影金波澹不流

清江浦泝黃河而上

本意淮陰市晨征改戒裝翻然病車馬且復就舟航

天幸南風正雲生夏月涼大河波澹澹羣燕自翱翔

二

野涼衫袖疎兩岬麥秋餘白白迎船鳥青青起留魚
浮花排浪穩汨沫避渦虛疏鑿年來事河渠不忍書

三

虹氣夕吞雨日光餘飲霞紅雲沒烏鵲黑霧上龍蛇
寶劔陽侯怒篋篋少婦嗟天平遠樹靜萬古憶乘槎

上水遣悶

江行怯風濤陸行怕塵緇長河鼓逆浪風水難與期

良泚集 卷五 七
朝帆東南利夕颺西北吹百丈牽欸乃河激長年悲
轉輸萬艘集卒伍認竿旗兒女及雞狗浮家日北之
公役亦在緩雲屯無定時我胡將妻女奔走隨傾欹
病後形益醜清興惟解龜比者三年課偶然先達知
感深虞重負難遽果中私庶苟結一考已而勿復疑
婆娑夾岬柳摧頽禿短枝淡日影船桅零雨灑紛絲
數朝不見酒粗糲聊充饑顧慙叨冒厚答報恐衰遲

舟中聞笛

漠漠平林去喧喧別浦分鄰舟吹短笛風雨更能聞

二

烏鳶沙上立魚鼈浪中遊不解緣何事歸人亦淚流

答王永啟言別

投詩不見面未語已知心但問恨多少莫論情淺深

自郟之沂入莒作三首

久嗟行路難五月塵沙丹喘喘輿人苦光光稚子歡
遙帆鴈灘度微樹馬陵看伏軾經郟子蒼茫想閭官

二

望遠思浮海來風進浴沂隱崗文雉鷲點水繡禽飛

景物真同壤淳龐足息機幸占仁里樂何事不宜歸
三

荒雲悲樂毅故壘憶安平雷雨晴時至山川僻不名
油油黍自茂磊磊石奇生冠帶春秋地長歌懷古情
諸城雨夜又竟日兀坐遣意

兀兀黑雲欺院樹風吹稍稍舞地狂炎蒸不退雨猶
熱氣色乍明天苦黃白水浮階欲沉竈濕灰落案聞
頽牆誰能束書對婢子起坐無時愁眼蒼

唐明府招遊超然臺

昔遊如昨已三年秉燭登臺將雨天一往山川蘇子

顯於今父母蓋公賢

蓋公堂在邑署

鶴巢仰樹依雕檻馬耳

前峰對綺筵

馬耳山名

傾蓋為懽歌舞夕况逢甘澍倍欣

然

是夜適雨應禱

寄候文天瑞新調伊陽四十韻

偃蹇愁疾嬰一春惡寤寐雙眼忽夢夢視物一如二
白日籠江海乾坤屢軒輊懣懣若有畏冥目等負刺
夫何文夫子亦受世網累事體未得詳吾道良不利
夫子曰無害解嘲茲常事潘安固拙効方朔但遊戲

海上掣神鼇餌用無意氣煙霞安期侶丹丘羽人使
鳧飛訝未遲雉馴何足異讒媚哆其舌投畀吁太恚
焉往而不可折腰稱一吏時俗急束縛賢達恒掉臂
汨泥與醜醜獨清固無謂幽憂溺憤疾宜乎女類詈
百里亦爲邦周南更善地陽城天中間伊水清以凜
三花漢檢秀二室雲端歸尤邇箕穎跡心素千古備
觀化汝墳逢問道崆峒閱豈負神明宰翻疑聲氣類
予昔尹京邑五年仍一躓蹉跎遂遲暮雞肋有何味
沉冥使興徂得失了茲寄淺夫或妄窺譏予懲而砒

知我者夫子玩世何所忌慙負遠離別淫淫流涕泗
蚤駟忽失倚狼狽將自棄深憐病死餘浩蕩魂猶悸
目花眩字畫簡牘不得致春華載徂暑蟲吟秋已至
三徑又及開庭柏媚幽翠風流儼宿昔兄侄口不啻
每語遺愛殷相對但長喟念此意甚懟反側耿無睡
望望召南雲依依西方思更息嘉樹下封殖甘棠視
十日成一篇輟筆屢酸鼻莽互天地內終焉交誼媿

除櫻篇 有序

堂後植櫻桃七樹數年間繁陰蓋庭晝不見
日下有苦柏石竹反掩鬱就槁此樹結實旣

稀遠揚尤肆其葉有螿蟲焉不可以息陰遂命斤斧去之亦不能材豈封殖之初意耶良足悲矣因題數語意無比興紀事云爾予觀白樂天八木之詠櫻桃其一不謂不知言哉

僻聞小堂成樹植資茂幽兒女悅甘實櫻桃差易求
稍茁欣榮笑微花颺脩留北扉扃衆卉三歲出牆頭
方六七年間枝撐羅庭周屈幹偃門樞遠條遮書樓
其陰蛇蚪伏其上鳥雀啾老苔不雨滑高葉隨風柔
翠柏鬱尚活小竹困已休背有萱與菊無復知春秋
螿蟲憑其勢刺毒蠶蠹儔借枕避北牕初願豈相讎
我乎何愛惜伐之用執劉根株既剗盡曠朗天宇浮

翻悔封殖過亦匪滋蔓尤鄭子名胡取婉孌矯不愁
物理夫孰定世事空悠悠草根初蛩吟日澹兔絲收
徙倚遂至暮長吟紆沉憂

悲昌邑

昌邑城北五十里黃泥漫樹生黑耳漂骸橫積京觀
陳鵲雉亂掛枯梢死七月初九初十風雨聲逐聒天
地輦萬家號哭誰聽得蕩激隨潮展轉空天矚沙上
無人哭縣令吞聲爲一覆居人寧暇慮魚鼈造化何
緣降慘黷時事勿用啟金滕仁愛固知禾仍登過之

三日不能食憑軾不覺涕沾膺

便訪趙季卿遂以雨留二日

新秋苦熱緩王程野圃高林涼思生慣別相看無急
語渾忘在昔有深情不憎連夕淹風雨若箇他鄉是
弟兄更見諸郎傾倒盡清樽兩鬢對燈明

歷城道中

潢潦秋無極風塵客未閒枯楊橫路出暮雀噪羣還
日落華不注雲吞長白山簡書苦驅遣野水照征顏
自德州買舟北上紀見

茫茫四野水鳥掠風帆土屋無人閉江艘有使監
新魚隨罟得遺穗進桴芟出涕憂無象涼飈拂露衫

二

大木浮河上來從蜀楚間千人歌唱緩萬里歲時慳
會取 王言信宜知 帝力閒殷勤門殿請封事幾
回刪

三

西京未云盛北極見朝宗門戶關河壯梯航郡國衝
邦畿絕榆塞道路待桐封設險思 先業 天王自

良濟集
九重

鄭州九日

忘却黃花節行厨喜見饒寒城多雨白遠鴈負霜高
童子收紅葉歸人暗繡袍相催時序莫只覺此生勞
九日晚抵河間

勞筋奔走復霜秋初月空庭細菊幽對酒誤傷春日
眼插花羞竝少年頭馬嘶未遠交河戍鴈矯時聞古
驛樓寥落半生狂不悔歸心差遣破鄉愁

張仲嘉明府招我於肅寧官舍新晤張山人談

長生術口占以贈

覘邑知三異逢人判四愁親朋儼宿昔談笑愜風流
秘術消中減浮榮戰勝休金杯動月影昨日菊花秋
由獻縣南行遣興

重霧孤城秋不禁露根官樹嚙波溪居人新就魚蟹
住行子猶聞蛩蛩吟霜雪盈盈浮淺葦胭脂片片落
疎林經過十載悲歡地漸老那勝歲月心

二

陸行終日驚鷺鳧土牆遺堵人煙無空皮路柳立猶

良濟集 卷五
活照面野棠紅欲扶青海戍寒沙月靜白溝河淺壘
雲孤書生半世太平日何限憂天狂腐儒

冬晴

就暄摘白髮青鏡笑頭顱剡剡川光動微微土脉蘇
琴書暇日與妻女過年娛何限俱身外狂歌伴酒壺

冬曉

不寐聞朝哭雞鳴瓦雪寒勞生動百慮浮世遞千端
歲暮間閭擾年饑市井闌歸休寬物役潦倒且爲歡

暮陰

莫陰欲釀雪拂面灑微絲素影寒書帙春波泛酒卮
野冰連石動山火冒林遲但覺牛羊返雲深黯四垂

大雪迎春日

夜臥不知曙起疑明月寒規牕天混合拂壁雪團圞
擺落林端豁冥濛物外寬風威春不見東帝許誰看

歲晏篇

歲晏山深今定居朔風吹雪滿荒廬雞豚年事差相
熟草木浮生且自如已愧妻孥鑷白久漸於簡帙殺
青疎總緣多病增狂態感激寧輕賦遂初

除夕行

五月還自南濕痒搔落瓜七月復北征夜帆恒至卯
迨乎九月歸蝦菜始醉飽養疴荒村內雞鳴與狗齧
脛攣足如火憂恐迫急絞除夕間且佳酒薰頑骨姣
間與妻兒笑疾病蠲亦稍大化任遷逝時俗進機巧
年事漸疎淡云誰癡與狡積然閱人代患害毋相攬

甲寅元日

忽忽生年三十六爲憶初懷陶隱居仕作尚書郎已
過老於畏壘里何如春盤欲頌椒花美臘酒微香柏

葉虛野霧鄰煙籠曙色新詩自笑癖難除

春山

歸來日役役又是故山春種樹多逢石疏松間作薪
煖遲鶯不至地僻雉相親却憶看梅候江南百物新

又

竝日風掀地初朝樹接雲遼東非避世道北卽離羣
屋宇容山入巘巒冒水醺時時與鄉里荷鍤說耕耘

贈孫牧之文學

麟角世希覩天驥不空馳紛紜年少子奔鶩各一時

孫生土木質粲彼俶儻姿談議必破的晶深內所規
獨恥事詭異世何由識之光耀千金珠芬葩三春芝
庶幾無後時奮翮凌雲達噉噉旁追士側足良可嗤

二

同縣有吾子邂逅尚難屢春寒鬱羣芳新葉未吐樹
杖屨一來過巘谷騁遐步登高望遠海豁落開襟素
久習野人風但飯酒不具擺脫文字間不復問章句
爲愛同心侶益深丘壑痼子其遂騫翔老期應未暮
寄陶開普使君

相見與相親飄搖落吳會予歸望江南迢遞已天外
天外室云遠多幸臨旌旆偃室固不遙病骨大無賴
翻然阻會面豈謂本圖昧怍營中心慄思愁久約帶
行吟或披髮饑渴獨處塊朝攀石端林暮倚巘際瀨
春風感人情惻惻憶江介使君識狂奴勗期良未艾

二

北方苦久寒當春無花開燦爛桃李時海風吹氛埃
我思在何所帳飲靈谷梅城中少居人屐齊雨花臺
守郡勞簿領神山領蓬萊清興日多暇登陟有幾迴

相憶顏色好貞白真仙才長孺但臥治蓋公無嫌猜
群女漸桑陌兒童歌芋魁病身儻能健羊裘仍當來

山黃花賦 有序

北方久寒二月多不見花偶於北山之麓得
黃花一樹柯條頗類桑木時未著葉花著幹
上一苞數萼萼各五出柔冉冉纖綴繁弱多姿
詢諸山人亦無能舉其名予悲其早開而遇
晚也
賦云

沸沸春飈曠曠北山聞振柯而析葉亦霜重而雪繁
騫松柏以高秀無桃李以開顏屬青陽之啟節斂群
卉而無言嗟何爲乎後時山中人兮聊詠歎覩彼黃

花榛莽爲伍名無可稱火燔樵斧胡先春之早信冒
枯荻而乍覩條挺挺以擬佗華冉冉而微吐跼離幹
以繁綴儼翦綵之虛著紛一萼其五出又一苞而五
萼匪有馨臭飄然荏弱雖纖瑣兮靡綴庶光耀兮沃
若標貞質以孤寂幸有辭於輕薄謝佳色於浮艷貴
茲託乎丘壑擢漢殿之金盞紛旖旎以葳蕤掩茂先
之侈賦陋渴羌之誕詞近雪兮映額黃於妝粉側風
兮垂繡領於柔萸比臘梅兮已遲聊堪贈兮一枝渺
金粟兮清影對幽石兮高月曠寥聞兮自如人不見

良泚集 卷五
今鳥謁憶江南之叢桂懷湘楚之秋英怵零露其朝
汎悲清霜之夜零悼擘采其萎絕遂襲美而失貞吟
騷頌以侘僚弄潺湲以屏營嗚呼物欣所遇夫亦何
情處幽任質天全無名不聞社樹不才無傾又孰知
人之悲喜與夫賤榮者哉

上巳日鏡山菴

上巳三月五杏花纔嘴紅繁林深冶日淺瀨約徐風
屢陟嗟難健初遊憶尚童勉扶凌絕頂感慨昔人同

二

在山卽不病藜杖破晨煙魚鳥交無賴松梧盡記年
鄉人無袂襖節物獨迴遄漸老傷春草悠然弄石泉

雜感

地旱遲新綠野寒稀媚紅詩篇憶謝客男子一張充
春海魚蝦日晴山松柏風已無禽尚累五嶽思無窮
同周叔文喜雨見寄呈賀令君二首

行喜棲霞埜蓬萊麥已秋望濤三島市聽雨一間樓
畦岬連飛鷺溪湍飲息牛寒帷風灑面欣笑向平疇

二

前番雨不遍數問喜猶疑近郭行將及新苗訝未期
歌謔明府惠風雅丈人詩更得晴曦永高吟伴酒卮
雨幸遍及
又喜旋晴

無錫變

是變也數百里同時獨稱無錫者
尤子時純書來紀載獨詳無錫云

忽忽譌言誰所起洶洶者誰為之始胡然疑天又疑
鬼呼呼出出誰得止妻不見夫母號子胡為乎東而
遇西南而逢北土面捨地如奔螳何者紅顏踏作泥
幾家兒女沉淵水縣令警門閉復啟天若不知何為

傾日車西定橋頭風揚沙太湖波碎哭聲徹昏黑蘆
中人還家城裏燈火接餘喘村落已不聞雞犬況接
鄰境俱何知試疑狂夢魂猶緬夜半萬室空悲悞鳴
呼周史早策山崩與川竭甚則地裂或流血傷心慘
耳銷肌骨 聖治幸無毫髮闕四十二年春三月
贈地師孫子詒甫

饒爾青囊素常安桓褐貧山川了相識談笑幸比鄰
受賚陶貞白遊僊郭景純為憐不多酒氣味對予真
延暉樓初成登覽有述二首

初日熹微隱杏梁清襟瀟灑進疎涼南雲拖雨過園
白北牖來風送野香吞海若能容八九看山故不厭
尋常翩翩燕子衝人人莫污新裁薜荔裳

二

南國曾遭熱無睡平樓六月增高寒晝眠蠅避底須
遣夕飲蛙鳴時共闌短髮漸堪稱野叟科頭誰復識
曹官簷端風雨前灘下四野冥冥獨倚欄

觀西園示獠奴

嗟爾亦抱甕吾何知漢陰桔槔無所用不是省機心

二

種藥不識苗鋤瓜或傷根雀雛待秀黍蛾子集枯萱
之郡夜宿棲霞公署二首

二

山水神仙縣堂深老木低薰風松響外畏日竹梢西
雉近開牕雒鶯閒舉酒啼謳歌占惠化茂宰古人齊
已是潘郎髣髴年憶再經劔邊疎雨白枕上暮山青
舊俗徵淳直遺風尚典刑松濤淪萬壑夢裏酒微醒

早行

雨暘真有異禾黍被前岡石瀨水流靜松門煙氣涼
露園新杏熟風壑細麻香霑濕檐帷上山霞隱日蒼
賓都太虛宮三十韻

川谷回芳靄玄宮獨巋然軒楹儼如昨碑版不知前
日月昭回外乾坤法象邊杲恩朱綴合刻楠翠方連
烏革翬飛舊神工鬼斧堅畫甍生霧雨層節應璣璿
石劃虬龍舞檐翹鸞鷲眠化人驚突兀東帝接周旋
根極虛無地冥疑小有天斑鳩避網戶白蝠隱文檣
紫氣他時過丹臺幾代僊華撩排竝蠹古瓦次齊圓

洞府人間世琅霄物外緣金莖辭漢至瑤島自秦傳
草蔓垂香埒階平迸冽泉斗牛瞻直上笙鶴聳高騫
嘉樹捫雙柏僊枝已萬年森沉疑積鐵清切韻疎絃
半死群靈守長生一氣先掃除何不數題識似曾穿
威鳳銜瓊粒靈虵護玉田藥珠銀榜色碧落紫泥煙
往者期松子庶幾逢偓佺驅山蓋偶爾渡海杏終焉
形穢慙神闕心遙冀大玄河車營未遂日馭逝難遄
城郭纍纍近雲霞的的縣遠遊悲溷濁存想秘冥詮
撫跡拘牽有追來歲序遷鬼我此臨況浮世益深憐

東坡集 卷五
太虛宮後雙柏行

雙柏兀兀秃無枝東者一枝青上垂鱗枯幹削森立
鐵雷火幾燒無傾欹白蟻每藏雲兩種神龍拿空海
潮湧大竅噫風竽籟鳴霜柯隱日虬螭動神物從知
有護持巨材不謝憐臃腫窾奧休容百足蟲傷心翦
伐將無恐傳言東西相代生茲事恍惚難具明斬新
弱條孤裊裊造化噓吸理至精泰山秦樹莽不辨嵩
陽漢植空得名託根僊宮百千歲常畱明月聽鸞笙
入郡呈元暉使君二首

一春書札間山中偃蹇無嫌癖性同久待兒童迎郭
伋欣然子弟遇文翁樓臺俯日鱗鱗碧睥睨翻潮閃
閃紅清淺蓬萊足池館便應占醉狎山公

二

崔嵬闐闕倚雲端苦熱沾泥卸馬鞍却憶昔遊趨走
健期於知己禮文寬遲迴袖裏猶懷刺顛倒城中始
著冠爲是使君高義在政清賓客賴交歡

陶使君招飲蓬萊閣上

千騎東方百尺樓樓根吞呷一滄洲爲憐南國會多

暇信美吾邦久不遊夜色萬家俱瀕洞濤聲三島與
沉浮慙稱河朔借高會離思歡情醉也休

二

故人心跡總煙霞請謁無妨病每加祇覺阮生忘禮
法也知曹相應謹譁天搖席上潮平閣雷殷樽前月
擁沙欲袖城頭片石去又疑高犯客星槎

陳公階子太守瑞南兄弟六人招遊城南杏塢

山林率賦五首

近郭誰有此遠聞流水香名家接元愷

陳氏兄弟八人

好客

但求羊奕葉尚書里風流同舍郎聚星原不易況復

在滄浪

瑞南予同舍乃祖尚書公卽有此山

二

丘壑弟兄美門庭忠孝俱泉洞階溜側石齧徑盤迂
席就曲腰柳籬懸長柄瓠少年真好事放浪亦吾徒

三

枯藤亦有勢大樹每無名小鳥低穿葉新魚上唼萍
歡呼黃耆健來去白鷗輕百尺尚書柏聯輝花萼生

四

綠醕勸紅顏梁塵拂霧鬟花光照面月黛色宿眉山
凝睇人皆醉癡顰夢始還東山擬就老不事馬蹄間

五 題西樓

潮聲俯檻空山色倒牕中黃落杏時雨青垂蘿底風
望僊懷帝子載酒問楊雄城裏看雲氣還將海市同
梁駕部丹崖席上賦贈

芳筵辭白眼劇興接深情綵扇當歌落華燈喜醉明
美人相勸熟子夜益慙生休沐同清況樽傾莫惜醒
陳封公及子長公兄弟釀酒蓬萊北山下坐珠

璣崖上循西巘於是逸思飄舉放歌三詠焉

海色日在眼北山干雲霄俛仰一青氣地天俱不遙
我誇濟勝先後來如焦僥五月單衣涼波浪吹長颺
意欲鞭虬螭躡影凌扶搖追及徐市駕男女皆相邀
安期麾白雲翩翩來見招遂乘赤玉舄飛渡始皇橋
星辰拂霞冠耳聞風颺颺誰令持我足茫然使心焦

二

寄崑傾細路側足驚屢殆小時此曾履趨捷今何在
却羨兒郎驕徒嗟鬢毛改又有羨予者跼步坐望海

崩崖巨靈劈雲氣掣光彩磊磊五色石遺自女媧采
日色奔蕩滴混茫向千載欲待清淺時褰裳疑被紿
此物鬼神衆孰能問真宰顧念久塵滓種種何益悔

二

白鳥立懸石對人癡已久驚濤卷西日砮騰萬靈吼
危巘一道士不語見人走葫蘆挂空壁惟遺席與帚
仙則吾不知身世夫何有玄鶴翔青冥銜書常在口
飛飛欲來授嗟予胎骨醜中歲蚤華顛迂哉圖不朽
織女遺我佩麻姑飲我酒庶永謝糞壤雲端一揮手

出郭二里宿瑞南庄樓是夕海市略見中夜雨
門開對場圃樓迴望紆餘島嶼吞天盡雲煙接日初
僊靈集廣莫元氣納歸虛彷彿扶桑樹西枝欲拂裾

二

瓜菰侵籬短藤蘿覆井垂連朝酒食困涼夜夢魂宜
盥濯欣明眼兒童曉索詩歸途愛瀟灑細雨尚褰帷

艾山湯泉

雨餘山如滌幽澗流活活丹果垂密林繁露亦可掇
涸涸巘際溜蒸蒸百竅發綠波汎無聲宛轉經階闥

雖熱猶可觸巖寂近清越恥與溷濁伍創穢動汨沒
香氣淨薇蘭方池畱深月我來屬崇朝濯纓一晞髮
長松根雲雨巨石立艷碗處炎頗成聚憑高又多窟
吁嗟潤漑功未辭涓滴竭五月衆草蔚卽事去倉卒
前登益於邑茲理慎勿忽

方山盛水菴

巨石如牛馬方圍類削成半腰叢樹裏盈耳亂泉鳴
古殿清陰覆迴廊淺溜平楊枝自沾灑瑤草見晶英
汲引人間習芬芳法界名若爲尋止觀回向認無生

夏日延暉樓十絕句

三月不雨一月雨瀰瀰晦朔牀無乾簷前河水高於
地朝見南灘暮北灘

二

帶人文酒太相欺得得兀坐每多時浮瓜沉李只自
醉望月懷雲何所思

三

肯信衰遲似老翁登樓懶下倚微風十年河朔酣歌
地眼見兒曹又自雄

道東雞犬野人家夜熟南園五色瓜
恰愛酒醒相就喫隔溪亂漫失平沙

四

種一頃豆三旬雨旱者萎黃高不鋤
無官似可禁愁得對酒終難只付渠

五

蟬聲咽雨挽新愁禾黍蕭蕭赴早秋
特地田家夕唱作故鄉何恨亦登樓

六

造次前山已改容輕雷一間夕陽春
海空忽失牕中影惟見天邊懸白龍

七

木槿嫣紅燒野籬葫蘆裊裊蔓茅茨
無端乳雀啾啾甚却憶黏竿輕薄兒

八

懶惰愛閒抵死住有時放歌情劇顛
酒中何事橫襟淚君豈不知非少年

十

短短榴花不過牆凝煙慙妥立斜陽誰家嬌女深持
護抵殺風狂竝雨狂

陶元暉舉子有贈

早信熊羆卜初聞郡縣歌和鳴新鳳管夙夜夢龍梭

陶續新婚
十月遂舉

天老庭仍降神人頂一摩蓬萊望宮闕遙

見五雲多

田家早秋

休假浹歲餘備觀稼穡難去年七月風子實不登盤

鳥雀徒充肥極望眼悲酸今年遂生刈且復罄一餐
婦女被布裙將拾恣所歡田父半含淚再見飽壺簞
沾沾予奪仁始知帝力寬況予脫羈紲多幸聊盤桓

二

高田或種黍下田皆種稗一雨四旬餘穗直乾如薑
敢對耕耨空無以塞春貸追逐急徭稅子母疇能奈
遺粒苟升斗瓶釜猶覆蓋吁嗟終歲勤秋成益狼狽
蟋蟀草根吟水痕平野碓薄雲日倏忽悵望憑歌慨

三

無錢亦省事有官但免責怍營猶挂籍何異逋逃客
早秋林木豁雲石隱天白新酒炙黃雞好友朝及夕
茅屋上野蔓墟煙靄阡陌小東瞻杼軸大化觀損益
遇興吟短句不復求警策勞生夫何爲擾擾俗情劇

海港張魚同兄未孩賦

海港潮平衣帶長長竿比伋如連檣百人腰繩陳魚
麗汨沒鷗鳧俱飄翔天空日淡語聲悄潮減逆翻網
橫張錦鱗雪脊時罾掛猛者一躍回望洋跳擲倔強
鬚鬣矯白委泥沙尾不掉前後獲十天乍冷予憐傷

多人見少須臾可待靜無咎未必失水江湖杳年年
習習各乘時厚生之利何紛擾饗子揮刃亦成風鮮
腴不與遠市同獨無千里羹宜待仲秋餅旅人記憶
思秋風昏黑雨來茅屋靜

中秋雨簡賀明府

禾黍秋高黃葉飛蕭蕭雨色掩重幃韻疎牀下啼蛩
切翅濕雲間旅鴈饑待月故宜深夜坐因風却憶會
人稀不知庾亮歡呼地也欲登樓興已違

哭亡僕什二首

平生不識錢況問家人產嗚呼先君思遺僕幸在眼
夙夜維心競筋力盡餘喘奄忽故物絕草衰白露泫
町疇儼陳跡啟視足尚趼嗟我南北人安適詎能遣
二
何論是常奴父臣誼固厚一哀惘然別如失左右手
筦鑰稽約劑紛紜益疾首詰責昧兒童零落亡猪狗
牛馬力已殫螺贏勤烏有有子子足矣慰子一杯酒

秋日病懷

秋色勸加餐提携却杖難禪心何肉累病骨沈腰寒

野鶴鳴霜勁池魚聚沫團乞骸偏未得寧可衆人看

秋埜

在家日已晏適埜風始肅霜谿隔離落略約不容足
病軀須扶將緩步狎擾鹿海氣如青寮煙墟歸樵牧
耕作方就畢山田新豆粥農夫釋耒饑春旱無衍沃
於身鼠易滿任性鵠非浴滿眼勞生者輻葛以拘束
半世愧種種我生何多欲逝將勿復疑頽然陶幽獨
別元暉使君

長嘯復弭節忽忽白日晚豈謂常會面情如共寒煖

德音奈乖阻行邁漸以遠身病況相思朝來不知飯
浮雲西南飛風吹客子衣雪花回首落出門已望歸
君若雲中龍天路正駸踞五色矯振動蝮蜓曷由追
甦勉同心期許身寧肯遺遙別寄雙淚攬筆不能詞

南發別內

扶病行出門妻兒牽我衣君胡不自度輕命重官爲
雖貧在家好願偕鹿門棲噫予陸沉久祿仕常苦饑
此行乖夙圖江南可就醫幸各保顏色勿用輕相思
天寒鴈驚遠早霜日色遲爲君贈馬鞭不堪折枯枝

去去登樓望明年當望歸

別叔兄未孩

天運固難測吾生多患尤疾疾相纏嬰復之南國遊
眷我同胞親食息每追求胡爲當乖別遠送遽道周
諄復戒保愛一語不能酬海氣沈朝日緒風酸雙眸
宛彼洲中鴻翩然顧匹儔往別但聞事今茲涕交流
傾城友朋餞車馬去已適何以慰悲懷努力且寬愁

憫饑

冬仲原野白北風鳴枯桑紛何男婦羣鶉結以捨攘

曠望莽不辨煙火類燒荒草子煨燼餘掃拾競路旁
終日詎盈斗多半猶土糠懸釜已自昨兒女未得將
鴈鷺翔不下寧復爭稻粱凍股僵欲結面面淚滿眶
吁嗟長吏勸聞此亦徬徨蠲存但虛名庾空豈發棠
朝廷有籌策忍死恐未遑嗤予徒祿食憂憤號穹蒼
南征四首賡載甫社兄

三度栖栖役胡爲不憚煩及瓜猶未代行李舊應存
祖席親朋數郵亭面目溫相隨有南鴈何事獨銷魂

二

茫然出門後恍惚尚懷疑龜手終非用狼胡已早時
年荒悲觸眼日短耐攢眉病骨搖搖久難禁況別離

三

驛路荒荒夕驅馳與日新館人時有識津吏每相嗔
大澤驚塵出高空矯鴈頻黃河已狎渡破浪捷如神

四

感慨淮陰道王孫市上過至今望雲氣百里見星羅
興發乘槎下心悲擊楫歌爲郎雖不調瀟灑意如何
鄭應尼喜予復來快然有作二首劉載甫輒亦

次韻志喜見貽重感兩兄之意次韻奉答

誰識重來意思君爲起予再逢听一笑吾道未應虛
渴病能無賦窮愁可著書三人拙宦似傾倒復何如

二

草草勞人至逢人尚自疑校書有中壘置驛又當時
雪樹垂階葉江梅到市枝閉門甘寂寞何以問奇爲

再直署夜感賦

蕭蕭夜柝去年聲來往無端復此情獨酌可禁涼月
醒孤燈側對瘦梅朋倦僮睡熟猶聞語鬪鼠親看亦

至精伏枕休爲寂寂歎終慙初服負平生

喜雪望鍾山

久晴不覺臘見雪始知冬密綴添煙重輕霑雜霧濃
嶺雲橫斷樹宮瓦壓低松晶渺看元氣乾坤此盪曾
雲後張肅之兄招同劉載甫鄭應尼張夢澤飲

龍光山亭子賦二首

翠微出沒古雲根登頓周迴始到門近巘對人相與
揖新松媚雪亦如言憑高四極煙霞夕望渺千家鳥
雀昏莫說清嘉供隱吏人生幾得酒盈尊

無數新栽梅柳枝參差石立坐難移長公豈是耽榮
者用張長公事汲黯其如多病時春氣密迴銀燭夜雪光
半映玉杯遲誰言數子猶寥落此會深憐造物私

冬日鄭應尼招同張肅之劉載甫馬褰生飲署

中次應尼韻

名賢天幸合興不在盤餐新識兼如故初盟固未寒
月茲當席滿雪松拂梅乾高燭清言永芳尊且罄歡
劉載甫招同肅之應尼輩飲胥園和應尼作

忽忽逼歲日清晏固吾曹園林不在廣曲折互所遭
寸山尺水間位置亦告勞青青自盆沼羅生雜秋毫
登樓極俯仰朱檻翼空翔羣峰飛來白西影頽神臯
松柏落虛響泠泠若雲瑛屠蘇先春氣顏色庶已陶
回首一年盡白髮寧禁搔達士曠遺世輕如拔一毛
申茲友朋好醉心豈醇醪狂歌一蕩激誰知非徒豪
除夕肅之復招同載甫輩守歲

云胡今之夕我輩猶主客感君用深情家人宛不隔
庶用寬旅憂燕閒如疇昔歲聿云徂矣回首竟胡獲

且罄良朋懽此日亦可惜天陰梅枝濕氣溫燭花劇
春盤薦芳甘新釀傳清醪娛語盍簪時欲去難割席
出門紛照耀喧喧動衢陌入門僮僕睡呼起猶狼籍
百年能幾度歡喜有今夕

郎潛集卷之六

郎潛集卷之六

東海高出孩之著

乙卯元日

氤氳上日禁城關門帖街儺煙霧間中夜幾回惟起
坐依然五載舊朝班尚玄何益愁顏老孤憤難醫病
骨頑一歲行藏憑細數不知曷月定期還

和王永啓人日看春

旅情驚歲改滿眼異鄉春此日風華美微星鬢髮新
朝廷容棄物郎署只閑人花勝歆朝醉欣然興不貧

題永啟夜遊圖

此子宜安丘壑中竹杖秉燭斜春風頎然亦有髯如
戟試擬高子將母同

贈玄度和尚二首

遊蹤天下遍見人則一莞胡爲壽者相吾固識其眼

二

中年苦多病安得起維摩強欲尋休歇當前不識他

看迎春句

眼見春復春相將人看人如何無意緒不似少年新

十四日肅之載甫及胥生同詣吳宅登覽因過

沈宅看石出就五柳居品茶晚於國華王孫

宅觀燈有作二首

勝地招携客樓頭色色春追隨身覺健應接眼俱新
看石煩賢主烹茶試比鄰百年偏此日歡賞幾驚神

二

步屨委迤遠忘懷去住違王孫夙供具客子認依稀
樹火飛千縷蘭燈徹九微夕歸思所歷莫是夢耶非

馬生招遊李獻章綠雨園王將軍偕至

馬生客
將軍家

入門不知園涉徑不知山積雪明竹翠空映眉宇間
坡陀側細路高亭掛其巔江流帶城郭鍾阜縈寒煙
彷彿收沆瀣異代羅胸前李本通侯裔有聞自厥先
文雅謝富貴卜築占幽偏生也常何客美秀方少年
激發慨懷古撫跡亦俱然造化厚私我爲官翻得閒
筋力已慙少稍欲始知還首春燈火夜徒羨兒童顛

賡應尼迎春竹枝詞四首

長干街上柳梢黃萬簇繁花士女妝
小雨侵晨剛灑道誰家遺屨在官廊

二

樓頭春眼射簾新若箇傷春與怨春
買得綵花雙燕子不知誰是莫愁人

三

京兆傳呼最後來帽簷遮却雨花臺
魚龍抵戲當頭隊羅綺叢深撥不開

四

前歲看春幾箇畱不期重上許家樓
年年官府街前換騎馬簪花導土牛

九里開山歌為張肅之作

天鏡主人計不左開山居士又因果香爐峰巔飄青
 來巨靈擘痕疑碧墮胡為茲嶺亦姓張恍悟前身便
 是我藏石者誰入我夢三生結習業緣夥遂闡靈區
 好事甚即置丘壑固為妥寒溪老藤絕岼立深松頑
 猿相對裸大笑平看猛虎羣前峰似獻蓮花朵苦遭
 塵羈束縛急擺落溪山何不可古來捨宅不少人若
 論功德猶么麼淺夫那能曉其意寧謂此事因坎珂
 世上塵劫剎那頃滿眼富貴愁負荷逢公白門春花

飛官舍為園娛清暉何必故山聊息機日日登臨足
 當歸予亦落落常相依所見素心如公稀拙宦旦夕

願拂衣開山居士無是非

開山緣起載張公嶺及夢石事甚奇肅之為刑曹又

於署後闢園故句內及之

靜夜吟

書堆亂擁燈不明老鼠跳梁如人行紛紛裂紙破榻
 側喑爾何物能妖精眼見銜尾三五箇狎侮無奈強
 一唾幾回坐臥天欲曙鄰家狸來盜雞去

顏伯闇納廣陵姬和應尼四絕句

美人妝罷不須催
試照新安玉鏡臺
月下吹簫原弄玉
纔從二十四橋來

二

銀蒜鈎簾畫燭明
溫柔鄉老箇鍾情
隔牆宋玉休無

賴略聽幽蘭白雪聲

余比鄰伯闇故調之云

三

嬌憨殢殺畫眉人
宛轉妝成墮馬新
羅綺盈盈正無力
臨風休放掌中身

四

自識瑤姬夢未分
簾前春草動湘裙
江南早雨飛紅濕
却妬朝朝更有雲

王永啓招同胡子瀨武學葉肇禧中秘林茂之
山人遊蓮花井

此會非夙期茫然未知處
野園登臺不問主
主客面訝兩無據
竹外遠望石頭城
風帆澹沲長江去
卽令不逢無不可
幸遇桃花接引我
羣公一見掀髯笑
俯幽來曠雲忽墮
春氣乍暄重解衣
古城徐步江影微
暮陰半沈穿夕照
日長力倦同鳥歸

葉肇禧招同前客遊嘉善寺晚過梅花水

賸客昔追遊忽是二年別再來客盡換又後花時節
僕夫畏道遠自慙筋力劣登頓益悲涼多酒耳不熱
新雨菜花肥野香清未絕殘林間紅白春風亦騷屑
石或憎位置寺有更曲折滄桑何必論已見流光瞥
不乏好奇者追琢翻然拙佳氣日夜浮江山夫誰設
涓涓巖根水微茫汎春雪倚樹發高唱憂來不可輟
春日同諸君過後湖作六首

城帶春隄綠湖垂夜雨光樹煙明漠漠沙溆隱茫茫

民數藏書府官曹列省郎久懷栖逸客誰乞賀知章

二

五年欣一遇灑氣遽相降却省頻遊寺纔無悔渡江

草痕迷履跡花片過船牕莫放金樽歇搖搖進艇雙

每登雞鳴寺望湖覺神越其間南中勝覽無踰此湖而職事拘限非所得遊予再來承役了茲願不恨矣

三

廣大今朝典車書集版圖省方王會要奠極 帝城

隅形勝宜無敵遊觀不爲娛江山助 天府萬象落

冰壺

四

淡日籠孤嶼朝煙隔萬家大魚浮檻出群鷺避船斜
山影湖心樹林香水面花練光時過眼身遠似乘槎

五

湖平洲落落地僻屋層層祠廟傳相訝神靈遠有憑
空寥聽水怪莽蒼見雲蒸不待論瀟灑摩娑萬歲藤

六

亭閣連春樹當樽積翠流不熏地無鼠相狎渚多鷗
暮色浮歸袖酣聲動晚舟淹留那忍別分少得重遊

春日雨花臺遊集諸子

古臺高樹相與久雲色花光時復新屐齒一時同社
客杖頭前歲異鄉人風華正美如故物筋力始慙非
我身載酒日暄歌吹夕江南相識幾年春

晚集清凉臺和鄭應尼兄

臨高平望迴江樹掩斜暉落影初浮酒深雲暗滿衣
千帆依霧集獨鳥踏花飛況有同心侶淹遲不欲歸

送劉駕部玄岫起復北上

同宦前年去住違新知乍見似君稀重來省署頻投

轄未到都門已改衣江草吳宮天與遠楊花漢苑雨
餘飛東西南北原吾道送客思歸心力微

題余世奕小有園

帝城西南隅人境亦不隔入門通宛轉徑僻左右索
路熟猶循迹應接巖壑劇恍登瑤圃顛如披羣玉積
池瀉珠光碎開穿冒錦石廣臺奢容月小閣深環壁
鶯花不知老春事媚朝夕泉眼入江潮林隙豁虛白
我來值天雨霏微竹書碧耽奇奪目屢嗜古精心獲
燦若散瓊葩清疑動冰魄興發數移尊日永一對奕

豈惟小有天可倍壺中百

貫月查

三題皆園
中最勝者

臨高臺以望瀕洞天上下風林清夜月萬象杯中瀉
堯時乘查人到今無還者古來一沉梗吾輩且瀟灑

醉山池

莫上山公馬莫過習氏池今人徒憶古古人不能知
沙漾石子出花浮魚兒吹踏歌時自作休負酪酏期

海綫

樹根擁岨石清泉迸一綫盈縮隨大江幾閱潮汐徧

幽不測涓滴陰恐生雷電細雨橫岬光遙看亦如練
抄春集社友於李氏山園和應尼韻
酒尊花朵日相喧不少王公貴邸園似爾江山俱到
眼翳然林水遠通村浮青竹上生雲氣曳白天邊掛
雨痕俗殺春遊誇美麗會心相笑各無言

送顏伯闇暫還

半世多閱人悠悠寡所期肝膽見輒吐反面常見欺
屢省莫肯懲自我不謂癡顏子歛相遇胸臆豁一披
傾倒踰骨肉形骸那復知破的能釋結精識達時機

比鄰爲同室朝夕色笑依馨香固靡隔提攜每共推
隱憂鬢變素少年無再回有時對泫然亦非爲別離
別離又何遽兩月遂告辭省親及清暑晚來翻蚤歸
蚤駢旣失倚跋蹇空爾爲臨岐鼓哀琴池中雙龍乖
因送遊子還極目江草萋海雲白日遠鄉思徒徘徊
此曲莫竟奏慷慨使心哀

送柯季和假還

孟夏江流長將母還遊子有如脫羈紲固知懷抱喜
朋好日聚散閱人歸多矣久客別離熟生平若固爾

獨難一揮手惘然直相視予亦遶東邁南北將萬里
出處苟同心膠漆不在此臨岐悵天雲黽勉慰知己

過瓦官寺次貞父韻贈玉軒上人

地覺閒尤遠春知寂更深幽看松上月靜待竹移陰
山鳥馴施食園花醒梵音生來喜禪悅日日此追尋
送不我上人南謁峩眉赴吳中丞之招

西南天地壯子去道彌尊錫杖時驅虎銅餅狎飲猿
峩眉古雪動象耳落花繁延接中丞禮機鋒不待言
送張葆生北上秋試葆生父肅之

煙江五兩發鍾陵破浪長風自可乘北地千金猶買
駿秋天萬里試搏鵬桂華高月深相待碣石寒雲醉
一登南國暫逢歡把臂轉從清賞別懷增

答馬聚生寅長贈別

臥病經年懶拙宜人前不敢道相知盍簪同舍依依
日判袂離筵脉脉時竹雨春深邀對酒花風晝寂散
圍碁憐君道氣猶傷別拭眼沾衣強和詩

答貞父兄贈別二詩

君來纔數日一見幸前期日待遲歸候星言果及時

病餘驚面改語少笑心知往復匆匆恨相逢卽別離
二

悔不且住好祇應吾道窮客程炎熱日江路石尤風
行色寒溫後相思旅病中艱難歸傲骨惆悵兩人同
古意訓友人

黃鵠摩蒼穹將爲萬里期風淺背毛弱渴下就洿池
腥腐不肯食三年常苦饑鶴鳧或相憐嗚呼如有爲
十呼九不應脉脉江海思雲霄迴悵望羽翮忽參差
行行且復歸矯翼從此辭

弱侯先生貞父世兄送別普惠寺

明日端陽不肯住朝來細雨濕人衣江山靜待樽前
別師友相憐病後歸鷺寺爲經深記憶龍舟如並暫
光輝無端俯仰生平恨盡入離情淚一揮

二

行色病容兼自傷匆匆強飲汗如漿卽圖沾醉輕分
手不待臨岐已斷腸絕倒開懷何日有乞書問字數
年強所嗟長者忘年契禁我於今頭上霜

張肅之周廣裕張夢澤三比部王永啟王聞修

兩駕部送別於莫愁湖樓上不勝凄然河梁之感爰賦古什以寫別悰

悠悠天地遠今古同此情豈不念達者孰禁愁恨并遊子遄作歸追送吾友生江風沒浩蕩白日乃徂征臨岐復登樓解襟炎暑清欲語意不叙含悲酒一傾曠望雲樹遠躑躅驂馬鳴舉目生別離忍淚猶沾纓

二

晶晶湖上雲菀菀江樹陰樓高望不極忡忡失自心況我病經時翩然返故林四海有兄弟俯仰成古今

三

感茲增百愁惻愴誰固任藻魚相沫煦嚶鳴求好音勗志念久要齊德比兼金莫恨輕離別斷腸白頭吟
草木蔚仲夏煙霧舉鍾山蘼蕪滿中澤六代經其間日長水倦逝風斂雲思還徘徊戀所歡忘忽如燕間往別不經意而今鬢毛斑當筵一抗手強忍兒女顏明晨逐競渡杳然石城關努力保微軀高風庶及攀
渡江到浦口史紹卿署中

相望如咫尺相見判時年僕從顧瞻喜官曹幽賞偏

江山皆具爾松桂似蕭然病瘦君休訝驚心怯受憐
晚同紹卿坐吸江亭

治粟分司使清修子大夫亭高銜百雉坐久靜羣鳥
江送長風遠天垂王氣俱開襟一俯仰萬古想雄圖
五日紹卿招遊朱泉

委迤到巖壑新雨秀菖蒲碧澗遙飛鏡幽泓狎弄珠
日銜明綵縷山倒濯冰壺佳節逢良會休吟楚大夫

二

續命無如酒披襟更有泉檻花瑤碧映閣日水晶懸

鮫室疑聞泣龍宮莫穩眠客中看競渡行役又今年
是日張守禦君招同紹卿于有飲平山閣

危閣犯雲霄吞江故泐寥立應鼇極穩望接蜃樓遙
日色下千尺濤聲同六朝酒杯一憑弔何處發笙簫
二

樓
隔岼平相謁長江怒自流雲煙浮帝闕波浪劃龍
舟客且追行樂人今始欲愁千秋回首地亦擬賦登

樓
次日張君復招同紹卿于有過王氏林亭

城灣路僻迷東西密樹麥黃白鳩啼載酒林堪足帷
幕沿流橋欲學虹霓主人莫出王猷去客子誰從蔣
詡栖日晏孤亭更奇絕問予何不醉如泥

江上阻風

發舟已五日正泊江北岬回首望京城鬱鬱盤霄漢
狂波打不徹纜繫如無畔疾風少勁草紛披葭莢亂
細雨看垂釣長絲方渙渙輕舸逐來往吁駭何相玩
高有跛牂遊深詎淵客難浩俯東流逝喟結南雲歎
古今設險跡利鈍間冰炭惜哉衣袂戒興衰頗同貫

行役甫及茲久病蒸暑憚蹈此執利途怵迫常沾汗
聊爲鼓枻吟卽事辭羈絆六月固宜息儻遂天風翰

桃源縣謠

棧棧長隄古柳摧折靡彼中野白茅如雪
野望如川雲氣塗塗五月不雨使我心荼
黃河混混下帆緊千秋萬歲流不盡

沂州謠

四野茫茫連歲年荒年荒尚可州官殺我
一里租捉一家誰令汝家有馬有牛州官不知快手

良泚集 卷六
知汝逃無所早爲之

我行其野日見空牆飛蛾滿地蓬科不長

延暉樓曙望

遙空平海氣落棟貫丹霞日出三僊島潮飛萬里沙
天清開物色地僻少人家扶病偏多感悲涼漢趙嘉

樓中坐月

登高易愁思今茲開心情江南雖有月不及吾廬清
林疎豁氛翳煙斂潛妖精湛湛金波浮颯颯羅衣輕
蒙氣一似徹中天揚高明我欲斬蟾蜍坐惜瑤臺傾

將盈尤忌缺雲物莫浪生青天寧可問狂歌激悲聲

野聞

臥病經三暑時聞雲漢歌荒唐紛有說道路或傳譌
孰翼潛龍隱羣疑指鹿多非常誰得詰莫問莽何羅

二

物情猜忖謬 上意若爲煩瞻肅 慈靈侍開宣

聖語溫君臣父子際天地 祖宗存御史何知禮高

聲答 至尊

三

天日重輪朗姬文盛在斯外庭欣一遇內事爾何知
趙虜焉能亂周昌可不辭小人亟伏法名姓引多疑

四

觸忤初猶淺 天顏久不開得無投鼠忌未必逆麟
災督責傳宣數誼譁貴近猜雷霆終一霽封事且遲
迴

五

旱魃吁何其甚飛蝗況大東客秋傷菽雨前歲偃禾風
稍喜吾邦熟其如比屋空焦心憂蠢蠢慟哭轉途窮

六

潢池纔欲弄青犢略知名沈命官相諱催科吏尚驚
報讎東海母惑衆大方兵丘壑難安穩耕田計不成

七

百年無事國徼倖我生初世難垂衣外人亡轉石餘
聖明沾薄祿病痼卜閒居萬慮牢搔棄秋雲滿敝廬

八

敢料三空庀休猜百六端顧厨名不利 朝野道俱
難標榜徒疑俗幽栖且自寬無因免評論千古揖龍

蟠

飲酒詩

有序

余性不善飲遇良朋宴樂可斗許不醉每獨居則終歲不入唇不嗜也乙卯閏八月臥病稍間內子釀酒初熟清旨若醴每夕獨飲數觴輒復陶然命筆數句效顰元亮云爾

投組謝人事野性得自怡山深鳥雀多忘世忽若遺
秋草綠階委淪棄長如斯美酒陶佳夕兀言靡所知
微微松隙月照我頽頽歆節愆霜露晚繁菊欲盈枝
起舞仍自笑何顧塵世嗤

二

仕宦十八年我生三十七衰遲遽如此白髭鑷復出
而況久嬰疾腿重足至膝步履動歆危迫茲蒲柳質
何以豁沉滯賴有杯中物恨不能大嚼終慙阮劉匹

三

黃虞世不作變故日膠紛阮公但慟哭衷曲與誰言
井屋一區宅宅邊五畝園種蒔雜菜藥牧養雞與豚
慶弔則俱絕終日無叩門一壺一卷書量盡興亦闌
緬想東臯子流風河渚間奈無子光友獨行道所難

四

趙壹悲窮烏能文橫高視頎然亦有貌仕不過郡吏
生相定於斯衆人胡忭忌營營者徒爲造化小兒戲
出門無所適獨醒轉憔悴聊復啜糟醪壽命期自至
內養遭虎食外患匪能避古僊無一存榮名身之累
果哉庶達生欣然百年醉

五

歲運無停轂冉冉日過中杳然乏嗣息念來積憂忡
少時不慎護方壯悔無窮室人溫且惠相寬心則降
頗偕俱隱願鹿門躡高蹤方期王儒仲白首相追從

六

生平五嶽志始了岱嵩期一女已長大畢嫁亦少時
匪愁室家累顧嗟筋力衰三年病足攀下堂每驚危
藥餌飯相半深傷固難治山圖獨何幸遇僊得輕隨
潦倒聊復醉臥遊萬里思尚勗向禽願來世以相希

七

水旱苦連歲流冗紛何極雖人已類鬼膚體若黔墨
負擔貿貿來遇風僵欲直四方莽無之孰惠嗟來食
桑下呼不起骨肉誰相識見之刺我心涕泗沾胸臆

何限無飯喫有酒空歎息仁里獲有秋獨荷皇天力
鮮民亦何辜死生又南北我欲叩九關口乾叫不得

八

桑榆翳夕景下牀脫巾幘幸免嬰物患作息有所適
身心一事無攜杖還阡陌久亢露亦稀風飄天宇白
斗粟抵黃金豈謀朝與夕哀哉生人勞胡然圖滿百

九

天地果不仁蕭條終何情百姓如秋草轉徙自恨生
兒女棄胥井道旁聞哭聲又聞多殺賊積屍安丘城

嚴警流民迫林野連自經而我居鄉鄙中夜起還驚
性命委運數病骨瘦且輕偷生庶旦夕仰恃 聖化
平安得龔渤海再見賣刀耕

十

世人結天殺校計別賢愚不滿達士笑混混得真吾
秉燭聊進酒耳熱亦烏烏山鳥宿庭樹月出不驚呼
一簣思障川李杜志何迂固哉彼袁闕土室自囚拘
安排而入化於我有是夫

十一

天運有恒數榮悴更受之徒中二千石得意後更悲
 何況五鼎烹太橫樂禍危惟有浮雲薄來去無是非
 十二
 伊余太多幸為官長在家大義固莫逃天刑無奈何
 矯矯雲中鴻此鳥安可羅憐才際休明識寡亦無他
 沉冥非避患至理得其和

送董章甫廣文北上春試

秋雲澹海色遊子暫還家書生亦束帶傳經生鬢華
 漢帝方論才災異惻深計仲舒始對策洞晰天人際

黃鵠橫秋旻玄豹澤南岡承明君不厭肅肅鷓鷯行
 曰予薄物務多病非不幸欽峯巨岐術直轡何由騁
 養拙蓬蒿內不數相往還君今一颺去雲霄胡可攀
 將別乃自悔樽前折霜柳往路慎自勗天衢一回首
 病中送張伯行比部北上代面

京華劍佩追歡地朝市依然舊識誰白首馮唐應未

厭素心張摯久相期伯行故廷尉公自憐病困逢迎

少能幾親知夢寐思用張敏別日已多今更別寒雲

叫鴈重淒其高惠事

寄梁有實西安太守

太守三十

平讀

貴雄關百二開西征應有賦南國舊稱

才雲氣咸陽暮風華杜曲回五噫歌後感得不念高

恢

有實與余同舍郎年甫三十

北風行送宋民部道岍北上

北風蕭蕭鴻鴈飛出城東門西日微驂馬嘶羣零雪
舞初行卽問何時歸漸老送別知灑淚爲郎不是不
得意自少踪跡無不同君北我南況草次里居一歲
會二旬泠泠言笑真逾親徒驚同病改顏面乍駭新

詩驅鬼神淺屋燈明野霜白征衣明發暫今夕對酒
躑躅無一言恍惚予身亦爲客

送華之孝廉北上春試

霜雪趣征鞍不是悲遊子匣中螫雷吼寶劔明秋水
賈生正年少獻策驚朝廷千載再前席汎應匪專
經春風上林苑鶯語最深枝紅顏騎駿馬花裏揚鞭
時詼諧自上書公卿笑相揖方朔豈大言便殿小遺
入棣萼連枝秀玉樹交崢嶸大官賜珍膳旬日就難
兄歲晏一尊別巷無人洵美送君城北橋萬里從此

始華之兄民部君道岍也

寄懷錢國蕃銓司兄國蕃予心卓師弟也

韓韓棠棣樹根株相因依
墳麓均以諧和樂鳴清徽
從師而得友語默各不違
為予解束縛名理時一揮
嵇生交二郭歡愛良所希
苦無適俗韻糾纏使心悲
顧茲多病軀每見如忘機
空色脫然去澹蕩更何疑
本圖釋鞿勒簡書翻見追
榮名召不祥寵辱竟安歸
思我同心人道遠難奮飛
江闊霜雪深遙天鴈影微
勗諸長相憶微尚厲庶幾

寄懷張考功天都

中州南國兩追從薄宦塵憎客
裏容乍見同心禁涕淚若為對
面怯龍鍾封題啓事應多暇
問訊傳書懶不恭出處於今俱
失計江梅折盡悵難逢

思親詩效嵇中散

奈何愁兮非人子思綿綿兮如
流水愁奈何兮蒼天高永忉怛
兮歎屬毛嗟六齡兮喪慈母愍
惇惇兮以哀苦每腹痛兮腸若
煎忘音容兮夢杳然父艱恤兮
掌上擎勤顧誨兮蚤成名甫弱
冠兮仕為令更三載

兮應 寵命母銜恨兮望執鞭念茲榮兮悼黃泉心
崩裂兮悵煩冤啼烏烏兮終何言悲廿六兮背嚴親
又永訣兮我生辰罪無禱兮罰若此長毒勸兮不如
死想深恩兮肝欲絕發栝棬兮眼枯血豈禽獸兮猶
戴顏何視息兮覩人間長兄長兮情兼父中路棄兮
等失怙感霜露兮十二年撫松楸兮淚沈瀾伊過壯
兮子嗣無怵不孝兮惟予辜耿中夜兮不能寐慟惻
惻兮念昔事父生我兮四十九幸得見兮已非偶母
劬勞兮未遽央胡速奪兮空斷腸哀我人兮罹何酷

少年去兮心在目浮雲多兮天無情覽春暉兮哭失
聲

釋懷詩二十首乙卯冬日作

曰予小子薄祐弱植少好馳騫冥行不息聞道若昧
矜是正直形陋體疎不屑雕飾鶴匪續長烏豈黔黑
使我矯揉莫非迷惑

木秀於林風其摧汝才高於衆不祥是處矧予罔懲
翹翹言語好盡之害危若履虎楊惲南山亦爲禍賈
念茲縮舌吾駕何所

昭昭造化勞我以生休我以病形憊神清不廢我酒
但挫我名優游嘯詠適得其情

白日其徂少壯已過頭上白標來者幾何嗜慾夙累
行步蹉跎羞窺明鏡顧影長嗟

爲郎歲久清晏如何脚疾沉綿所幸靡他復嬰眩悶
呼吸奄化此而不省哀胡愚耶

鳥倦故林狐戀故丘默默乘化委蛻蜉蝣處順待終
何怵何憂名掛仕版曷維優游爰再陳情因病乞休
官去身輕此外不求

鄙語有之事不過三嗟予三請引決何慙豈圖不諧
齟齬相擔迺遷乃擢命鎮江南

得寵匪驚官孰與命孰令予盾予實不佞昔疾今愈
亦維話柄及側我思誰因誰聽

人亦有言士死知己勉勉自力時匪坎止然諾一必
硜硜末爾釋私內度匿情所恥苟非木石又非犬豕
掉臂何心豈惟有子

惟先正訓出處無心得時則駕予非其任庶殫涓埃
有辭知遇不俟終日抽身却去若論不堪何止有七

悔吝之端其又難必河中有木孰知東西自貽伊阻
迷厥後先

有夢輿忽陟彼南邦神人導我望翠微峰飛天僊子

揖手招從跂而不及雞鳴我牕

十二月十四夜夢

予患陰陽困劣冰炭藥物雜投當食之半緬思古僊
身生羽翰厚生腊毒悵也永歎安得石髓以充我飯
茹芝飲泉從茲千萬

追欲喪軀云胡不衰孫登至人遠莫克師火不用光
人不用才遊心玄默全生庶幾

閒居歲晏縱心自然雲歸簷際鳥啄庭間澹爾無慮
寂其忘言何謂不適復當之官如蒙畏學憶我童年
又如野鹿當就拘牽

內子蹙額子言予欺平生勗我鴻婦萊妻何見區區
低頭就之我聞嘿塞頰顏何辭

有兄未孩相與師友姜肱共被如左右手維予婞直
褊心多怒兄戒毋爾諄諄在口古人陽瘖避先處後
兄名未成艱哉余垢

自余病後潦倒鹵莽遇客揖讓頭痛難俯束帶筋轉

譚禮齒齠文法方繁畏之如虎

陶令高懷不入蓮社無功優游河渚之野我愛斯人
質任無假外形保和無可不可

人生實難憫茲所遭我東不造流離號咷千里如掃
貿貿焉逃子遺行盡哀哀嗷嗷昊天降割辟地爲勞
肉食胡顏徒嗟吾曹

仕宦之味飮豈復思沒沒流浪石火幾時將理白業
以究余期結素心友如如自知幻相任滅曾無去來
回向本地因緣儻諧旣不止酒欣其和而亦不棄宅

還其家而百年沉墮千劫於茲曾是不反悲已焉哉

立春後適野

乍出欣異境立春猶劇寒雪烏牛背啄霜鶻馬頭盤
野樹天疑覆潮冰海似乾流離嗟滿道轉覺此生難
喜敬仲秋捷臘月書到感昔述情二十韻

中歲嬰多病忘懷於得失舊遊恍隔世冷眼待前日
憶昔興飛揚高譚許與溢初交泥情癡疑誤陷膠漆
到今掉臂者何止十而七吾子齒先予問業窮作述
遞授絳帳言親受玄經筆相違十二年相思時首疾

甫脫書生巾四十非倉卒遂爲君強喜盡飲慰蕭瑟
予衰君富彊時乎那可必孟嘉苦病脚天與望秋質
郎署詎恨晚丘壑分願畢孰謂遷雄藩筋力使心休
書來歎數奇遭逢亦如一熱腸不覺觸偶爾淚一出
故人卽知己別久意難悉懶傲倍疇曩塵事厭蟣蝨
子其聯騫騰馳追致君術吾黨幸有人安心采芝
朮

警命詩四首

燦燦桃李昭昭榮輝八月萎落不待霜摧朝華夕隕

物理若茲人生蚤達如何勿思

石榴千葉結子固稀花光照耀根株恒移才多爲妖
不如其癡古來文士身後可知

予昔弱冠聯翩兩舉維時少年與予齒伍僅有七人
已亡其五存者多幸狂馳靡所

予忝邦藩官非不達多病無子意喜迂闊昊天有赫
曾是予奪明明監予心苟無怛

後飲酒詩八首

歲晏忽不覺壑蛇行盡時人事日匆迫年運恒若茲

孰意老將至奄速亦其期有生苦兀兀到頭誰復知
飲酒歡相忘來去當何疑

二

人人苦不足天地亦大難報施誰哉測幸不與人言
顏公貧且歿處常順而安願欲何終極何見馳百年

三

白日亦云邁孰爲貴我生冉冉逆旅客觸物嬰其情
斗柄迴東指風氣惠以清庭樹拂簷蔭烏鵲揚和聲
荒年餽口餘美酒復深傾哀彼屢空子而我何更營

四

安國不得相默默因蹇足雖有千金賄何採於局促
我愛支離形且分侏儒粟脚病已三年安知其非福
有口但強飲爲腹不爲目

五

問君胡不憚出處心未諧豈無曠士志苟得遂胸懷
偶爾爲人知黽勉使願乖將狗耳目役形骸自控持
諒難畢稱塞一稔以爲期

六

北土生長薄於性厭繁華山中松與樗羞見江南花
天寒煨楮拙階雪下夕鴉長歌自問答不飲將如何

七

冬盡陰晴易不知朝暮間川雲起村墟徘徊依近山
馬牛能自返鶩鴨了不關偃息聊得適一觴可忘年
保此足遺世桃源浪虛傳

八

少小劇顛狂不喜見父老到今情景別見之開懷抱
同里數年間眼中父老少窺鏡忽驚心覺悟恨未早

生死當有備世緣吾自了

見山中老人

有序

乙卯冬十二月立春後予遊鏡山數道人咸
出見中有一皓髮龐眉者借衆擊蹠詢之知
爲近百人問其生年不甚記但云屬兔蓋正
德已卯也距今九十八年矣長予六十歲自
言少時娶三妻皆蚤亡有三子俱歿絕老乃
依竝山居九十時猶力能把鋤眼能紉鍼後
自誤以指觸一目眇其一目猶能視予與小
語亦聽不悞背偃而步澀杖而後行適予病
脚久動履僅如之不覺默然自傷也老人所
謂山中草木年耳其有待耶無待耶要之吾
固自知狂馳半生者之果不及於此也山居
人壽如老人者多有因餉之米棗詩以記之

老人蒙茸存髮齒何論家鄉與姓氏披裘帶索樂自

知絳縣誰能數甲子鍊形大藥苦難真妻子若在應
無身山中松柏看如許斷送悠悠塵世人

丙辰正月漫興

改歲寒不徹雪花風滿林早衰數白髮多病怯丹心
出處乾坤在艱難日月深寥寥悲仰屋破悶一微吟

二

春心又旬日病足欲三年略驗消磨術時參諦義詮
風前折危木雪底動寒泉行色兼愁態生涯祇自憐
一路哭

山東道上行不得風昏塵沙日將曷中達髑髏白委
積蹴之以足亦無惻城壕厭飫犬狼餘枯黑烏鳶且
不食二月欲盡草未青卽逢路人無人色莒州沂州
煙爨絕是我所經僅茲域旁近或聞輿臺說誰忍舉
筋長歎息蒼天高高不可呼眼風悲酸淚欲枯我聞
天子捐賑數十萬子遺忍饑餒哺飯卽今待命當不
多半已死亡半南販只愁再歲復何爲土無草根樹
無皮

販梢謠 有引

卯冬辰春東人婦女幾盡於販予南征道上親見因采民謠稍韻之一字一淚矣

吁嗟乎忍死不能逃無所賣一活二休自苦百錢得
妻二百女南北決絕難一語衆人趨市逐之如羶孰
云不可天道茫然君不見東鄰惡子三五回赤手於
今已百千

海浮多風濤一船聞覆沒大車軋軋小車扞扞連袂
亦成帷投裙梳新髮道旁杏花開愁人正過來

何處宿前村谷茅店蔽席五六攢驕郎來鷓中夜歡
十三嬌女掩面哭咄汝休哭是汝福汝小猶未知不

待嫁到娼家時

鬼郎騎馬帶弓箭結束身輕花照面忽逢持戈人問
汝何鄉縣孰令汝買賤易暴亦更事兵交流血濺車
中不相見君不聞沐陽青魚湖內戰

公無渡河黃河靈感昨一人挑販得錢多沉沒如人
撼聞者笑曰偶然耳寧渠不敢得錢多死何憾

渡淮渡淮就我唐父粥活億人是恤是撫咄汝無犯
唐父淮安獄中纍囚半是汝

阻風黃河在桃源縣東十里二日

崩岬人家未昏雲宿舸孤波濤驚自吼天地暝爭呼
二月肌生粟連朝鬢懶梳僮饑少顏色容易是窮途

二

改舟圖一適風色恁相欺却望淮陰市翻疑芒碭陂
柳枝青自颯桃浪黑仍吹妻女圍無語天奚有意爲

到官漫述

欲辭胡未果徒悔竟空言病色看如昨歸期遽敢論
全生寧寵達半士豈飛翻頭責應無問如聞笑斃喧

二

老兵不能酒得失復焉知罄折人相習欹危久自疑
冠裳紛一日筋力彼何時所喜江湖遠清遊興尚隨

郎潛集卷六

圖



